

**SULIT**

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGGAL KETIGA,  
PARLIMEN KETIGA BELAS**

---

**PERTANYAAN : LISAN**

**DARIPADA : DATO' SRI HAJI ABDUL AZEEZ BIN ABDUL  
RAHIM  
[ BALING - BN ]**

**TARIKH : 10 JUN 2015 (RABU)**

**SOALAN (NO. 15)**

Minta **MENTERI BELIA DAN SUKAN** menyatakan apakah pelan pembangunan Kerajaan bagi meningkatkan taraf kualiti sukan terutamanya di kawasan luar bandar di mana masih ramai anak-anak kampung yang amat dahagakan tempat untuk beriadah dan bersukan yang elok seperti padang bola, gelanggang futsal atau dewan badminton memandangkan masih banyak kampung-kampung di kawasan pedalaman tidak mempunyai padang bola atau gelanggang untuk bersukan.

**JAWAPAN**

Yang di-Pertua,

1. Untuk makluman Ahli Yang Berhormat, pembinaan fasiliti dan kemudahan sukan di seluruh negara turut disediakan oleh Pihak Berkuasa Tempatan dan swasta. Pada masa yang sama, Kementerian sedang dalam usaha untuk menaiktaraf kemudahan-kemudahan sukan sedia ada di bawah Kementerian agar dapat digunakan secara optimum.
2. Selain itu, program-program yang dilaksanakan oleh Kementerian tidak sekadar berpusat mengikut lingkungan geografi tetapi adalah secara menyeluruh sama ada di peringkat kebangsaan, negeri dan daerah. Kementerian telah merancang, merangka dan melaksanakan pelbagai program sukan tidak kira sama ada di bandar mahu pun di luar bandar. Program-program yang dilaksanakan di luar bandar sentiasa konsisten dan bersesuaian dengan kehendak belia setempat.
3. Kementerian Belia dan Sukan Malaysia juga telah merangka dan melaksana pelbagai program berbentuk sukan komuniti, sukan teras dan sukan integrasi mengikut kesesuaian masa dan tempat perlaksanaan. Kesemua program ini mampu memberikan satu platform dan ruang kepada belia dan beliawanis di luar Bandar atau desa melibatkan diri dalam aktiviti sukan untuk semua di peringkat akar umbi.

Sekian, terima kasih.